

Regional News Unit AIR Aizawl
Saturday, April 20, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Mizoram aiawha Lok Sabha-a thu tur thlanna nimina vote thlaka vote tla zat hriat thar berah vote zaa 56.68 a tla .
- Lok Sabha-a Mizoramin aiawh a neih chhun thlang turin nimin khan boruak muanawm tak hnuaiyah vote thlak a ni.
- Vote tla report hmaruain a tarlan danin nimina ram chung hmun hrang Lok Sabha inthlan thawh khatnaah vote za-a 60 chuang a tla.
- G7 ram Foreign Minister-te chuan Iran-in Israel a beih avangin nimin khan hrek-ah an vau.

<><><>

LS POLLS

Mizoram aiawha Lok Sabha-a thu tur thlanna nimina vote thlaka vote tla zat hriat thar berah vote zaa 56.68 a tla a, hei hi tlai dar 5 thlenga vote tla zat a ni a, tlai dar 5-a vote thlak hman lo polling areaa awm hman si te vote chhiar tel loh a la awm thei a ni.

Mizoram Chief Electoral Officer Office-in an chhinchhiah dan chuan Aizawl District-ah tlai dar 5 thleng khan vote zaa 53.13 a tla a, Lunglei-ah zaa 57.44; Siaha-ah zaa 54.95; Champhai-ah zaa 56.38; Kolasib-ah zaa 56.97; Serchhip District-ah zaa 59.06; Lawngtlai-ah zaa 63.36; Mamit-ah zaa 63.22; Khawzawl-ah zaa 59.76; Hnahthial-ah zaa 55.88 tlain Saitual District-ah zaa 53.31 a tla a ni.

Hriat theih chinah Pu Thanglianhluma, kum 104 Lawngtlai College veng South chu vote thlak zinga upa ber a ni a. Champhai District Ruantlanga vote thlaktu Pu Rualnudala kum 102 leh a nupui Pi Thanghleithluaii, kum 88 te chu nupaa vote thlak upa ber nia hriat an ni.

Lok Sabha member ni mek Pu C. Lalrosanga chuan tun tum inthlanah hian duhthusamin vote tla tam lo mah se a tha thawkhata ngaih thu a sawi a. Vote thlaktute chungah lawmthu sawiin, Lok Sabha member atana amah lo thlang tlingtute, harsatna a tawh apianga amah lo tawngtaipui thintute chungah lawmthu a sawi a. MP pakhat mai tan Parliament-ah duh anga thusawi leh thil tih a harsat thin thu sawiin theih tawp a chhuah ve thin thu a sawi a. Tuna MP thar thlan tur pawh tu pawh nise a lawmpui thu sawiin, Mizo mipuite duh loh zawngin hma a lak a rin loh thu a sawi a ni.

<><><>

LS POLLING DAY

Ram chung a ro relna sang ber Parliament-a in pakhat zawk Lok Sabha-a Mizoram in aiawh a neih chhun thlang turin nimin zing dar 7 atang khan vote neite'n boruak muanawm tak hnuaiah vote an thlak a. Khawi atang mahin buaina a thlen thu dawn a ni lo.

Polling Station 1,276-a inthlan buaipuitu Polling Official mi 5,071 zinga mi pakhat, venhim lam thawktu lungphu chawla a boral tih loh chu harsatna lian tham tawk an awm hriat a ni lo.

Electoral Roll thar berin a tarlan dan chuan Mizoramah vote nei mi Nuai 8 Sing 5 Sang 6 leh 364 an awm a; heng zinga Nuai 4 Sing 1 Sang 4 leh 805 hi mipa niin, hmeichhia Nuai 4 Sing 4 Sang 1 leh 559 an awm a, Service voter mipa 4,872, hmeichhia 91, an vaiin 4,963 an awm bawk. Kum 85 chung lam voter 4741 (Mipa - 2167, Hmeichhia - 2574) awmin PwD voters 3397 (Mipa - 1876, Hmeichhia - 1521) an awm a, young voter, kum 18 leh 19 mi 36,370 (Mipa - 18,659, Hmeichhia - 17,711) an awm bawk a ni.

Polling Station 1276 zingah hian Thingtlang (Rural) Polling Station 751 leh Khawpui (Urban) Polling Station 525 a awm a, Polling Station hi hmun hrang hrang 1166-ah siam a ni a. Chawhrualin Polling Station pakhatah voter 671 zel an awm a, Polling Station 765-ah Polling Booth-a chet velna te webcasting kal tlanga vil a ni.

Vulnerable Polling Station 14 (Kolasib District - 7, Aizawl District - 3, Champhai District - 4), Critical Polling Station 5 (Saitual District vek), Lirthei luh lohna, kea pan ngai Polling Station 11 (Mamit District - 6, Lunglei District - 4, Lawngtlai District - 1) leh Lawngleng hmanga pan ngai Polling Station 15 (Lunglei District - 13, Mamit District - 2) a awm bawk.

Puan tawh thin angin tun tum inthlanah hian candidate 6 an awm a. State-a ro rel lai ZPM Candidate Pu Richard Vanlalmangaiha te, Indian National Congress (INC) candidate Pu Lalbiakzama, MNF Candidate Pu K. Vanlalvena, BJP candidate Pu Vanlalmuaka leh MPC candidate Rita Malsawmi te bakah Independent-a ding Pu Lalhriatrenga Chhangte te an ni.

<><><>

BORDER SEAL

India leh Myanmar inkar ramri chu khar a ni tih Serchhip a awm Assam Rifles commandant chuan a sawi a,

Nimin tlai khan Zokhawthar khawtlang hruaitute leh Zokhawthar ral lehlam, Khawmawi khawtlang hruaitute Tiau Lei kokhawmin ramri khar a nih thu hi a sawi niin Zokhawthar VCP Pu Lalmuanpuia, chuan a sawi a, a sawi danin Inthlan Vote thlak hun tawp hmian Zokhawthar khawtlang hruaitute hi Tiau lui kamah koh niin tun atangin thu leh awm hma chuan India leh Myanmar inkar ramri chu khar a nih avangin eng kawng mahin inlawhpawh a theih rih loh tih thu Assam Rifles hotupa chuan a hrilh a ni.

<><><>

NH 302 WELFARE COMMITTEE, LUNGLEI & NH302 NGAIHVEN PÂWL, TLABUNG

NH 302 Welfare Committee, Lunglei leh NH302 Ngaihven Pâwl, Tlabung te chuan NHIDCL General Manager, Shiv Gulam Dwivedy chu Lungleia a pisaah Ningani khan an hmu a, an ngaih pawimawh hrang hrang an thlen.

Pawl pahnihte hian Phairuang lei chungchanga an duh khawp lohna an thlen a. Lungsen leh Chhûmkhum khua te'n kawngpui laihna leivung paih dana harsatna an tawh mêk pawh thlenin Chhûmkhum khaw lui, âiawt an chiajna leh an khuain chawhmeh an zawna ber lui kawng laihna leivungin a tihchhiat thu an thlen bawk a. Lungsen khuate lui humhalh, sangha man an phal lohna lei vûngin a tihchhiat sak nasat thu an thlen bawk a ni.

NHIDCL te hian heng khaw hnih huam chhungah hian spoil bank 3 an dah thu an sawi ve bawk a, an spoil bank chu ennawn tul an tih thu an lo sawi a. NHIDCL hotupa hi pawl pahnihte hian kawng laia hnathawk ho thli avanga Rângte khuain an harsatna tawh an sawipui bawk a. NH302 siam mekah hian Sub-grade, Sub-base leh thildang siam mêkte leh an metal tawh chin te pawh water mix macadam (WMM) a ða tawh lo hle a an hriat thu leh, Box Culvert thenkhat chu an rin tawh loh thu an sawi a ni.

NHIDCL hotute chuan NH302 siam nana an hmanraw hman te an laboratory-a test an duh thu leh thawh hona ða tak neih an duh thu an sawi a. Pawl pahnihte hian nimin vek khan NH 302 sial hna endik tura consultancy firm rawih CMEC Consulting Engineers Pvt. Ltd-te chu an inkhuarna hmunah kalchilhin an kawm bawk a. An team leader hnenah NH 302 sial hna vil leh endik tura thawktu an indah dan te an zawtfiah a. Remchang hmasa berah hmun ðhenkhata an hman tur lung te chu an laboratory-ah ngei endik tha an tih thu pawl pahnihte hian an thlen bawk a ni.



HIGH VOTER TURNOUT MARKS INITIAL REPORTS OF FIRST PHASE OF LOK SABHA ELECTIONS

Ram chhung hmun hrang hranga nimin Lok Sabha inthlana vote tla report hmahruaiin a tarlan danin vote za-a 60 chuang a tla.

Lok Sabha inthlan thawh 1-naah hian parliament bial 102-ah nimin khan vote thlak a ni a. A tlangpuiin vote thlak boruak a ralmuang a, khaw lum tak hnuai vote thlakte pawh a awm a ni.

Lok Sabha inthlan thawh 1-naah hian chuhtu 1625 an awm a. An zingah BJP hruaitu, Union Minister ni mek Nitin Gadkari, Sarbananda Sonowal, Kiren Rijiju, Dr Jitendra Singh leh Sanjeev Balyan-te an tel a. Congress hruaitu langsar zingah Gaurav Gogoi, Karti Chidambaram leh Nakul Nath-te an tel a, DMK hruaitu Dayanidhi Maran pawh a tel a ni.

Election Commission chuan vote thlaktute leh inthlan buaipuitute chungah lawmthu a sawi a ni.



G7 FOREIGN MINISTERS WARN OF SANCTIONS AGAINST IRAN FOR DRONE AND MISSILE ATTACK ON ISRAEL

Khawvel ram lian 7 intelkhawm G7-a Foreign Minister-te chuan Iran chu drone leh missile hmanga Israel a beih avangin nimin khan hrek-ah an vau a. Ram pahnihte chu boruak sosang pumpelth turin thurawn an pe bawk.

Nimina G7 ram Foreign Minister-te Italy-a thutkhawm kaihrhaitu Italian Foreign Minister Antonio Tajani-a chuan ni 3 chhung an thutkhawma agenda chu Iran leh Israel chanchin vang hian her danglam a ni a ti.

Nimin lam khan Israel chuan Iran-in a beihna chu a chhanglet tih ram pahnih thuthar lakhawmtuten an sawi a. US chuan Israel-in Iran a beihnaah an tel ve loh thu G7 ram foreign Minister-te chu a hrilh a ni.

<><><>